

植物名實圖考

植物名實圖考卷之三十六

固始吳其濬著

蒙自陸應穀校刊

木類

優曇花

緬樹

龍女花

山梅花

蝴蝶戲珠花

雪柳

大毛毛花

皮袋香

珍珠花

滇桂

野李花

昆明山海棠

野櫻桃

山桂花

馬銀花

野香櫟花

象牙樹

山海棠 又一種

金絲杜仲

栗寄生

炭栗樹

水東瓜木

野春桂

衣白皮

棉柘

樹頭菜

昆明烏木

簸赭子

馬藤

金剛刺

千張紙

雪柳

滇厚朴

山梔子

老虎刺寄生

柏寄生

厚皮香

鐵樹果

滇山茶葉

滇大葉柳

鴉蛋子

金絲杜仲

紅木

蠟樹

栢樹

紫羅花

狗椒

馬椒

大黃連

寄母

刺綠皮

一





優曇花

優曇花生雲南大樹蒼鬱幹如木犀葉似枇杷光澤無毛附幹四面錯生春開花如蓮有十二瓣閏月則增一瓣色白亦有紅者一開卽斂故名 按滇志所紀大率相同或有謂花開七瓣者撫衙東偏有一樹百餘年物也枝葉皆類辛夷花祇六瓣似玉蘭而有黃蕊外有苞與花俱放如瓣三色綠人皆呼波羅花考白香山集木蓮生巴峽山谷花如蓮色香豔膩皆同獨房蕊異四月始開二十日卽謝不結實其形狀氣候皆相類此豈卽木蓮耶滇近西藏花果名多西方語紀載從而飾之遂近夸誕



許纘曾東還紀程謂優曇和山娑羅皆一物而云花葉無異載  
乘今此花祇及一歲之半又園圃分植輒生鄉間摘葉以爲雨  
笠非復靈光歸存豈曇花終非可移而姑以木蓮冒之耶抑此  
花本六瓣閏月增一爲七而紀乘誤耶否則和山等同爲一種  
以肥瘠靈俗而有千層單瓣耶又滇花瓣數一樹之上多寡常  
殊應月之瓣或偶值之耶余以所見繪之圖而錄東還紀程於  
後以備考其餘耳食之談皆不具

東還紀程大理府山爲靈鷲水爲西洱靈鷲之旁爲和山樹生  
和山之麓高六七丈其幹似桂其花白每花十二瓣遇閏則多

一瓣佛日盛開異香芬馥非凡臭味中出一蕊如稗穗俗以爲  
仙人遺種主僧惡人剝啄佯置火樹下成灰燼雲南府志優曇  
花在城中土主廟內高二十丈枝葉扶茂每歲四月花開如蓮  
有十二瓣閏歲則多一瓣亦名娑羅樹昔蒙氏樂誠魁時有神  
僧菩提巴波自天竺至以所攜念珠分其一手植之久沒兵燹  
中謝肇淞滇略安寧過泉西岸有寺曰曹溪其中有曇花樹一  
株相傳自西域來者綠葉白花移葉他種終不復活余謂安寧  
之優曇大理之和山土主廟之娑羅其花同其色同其枝幹亦  
同特異地而異名耳壬子夏曇花盛開州守馳使折一枝以贈

其花葉枝幹合之載乘果無異也太守乃採柔條徧插於大樹之旁三月後報曰一枝已萌葉矣余喜甚乃移置盆盎碧葉爛然一根五幹土人驚詡以爲奇瑞

又雲南通志稿載郡中阮福木蓮花說與鄙見合惟雲南督署舊有紅優曇說中以爲皆是白花余訪之信偶買花擔上折枝得紫苞者疑爲紅花也及苞坼則綠白瓣無少異豈制府中之殷紅者亦此類耶李時珍以木蓮初作紫苞似辛夷尤相脗合而又以真木蘭卽此然則虬幹婆娑者其卽征帆送遠之花身耶阮說尙未之及昔人有謂木蘭與桂爲一種者此樹葉皮味

皆辛微似桂



緬樹

緬樹生昆明人家樹高逾人春時發葉先茁紅苞長數寸苞坼葉見俱似優曇苞不遽脫裊裊紛披如曳丹羽遙望者皆誤認朱英倒垂也此樹未訪得真名滇人以物之罕尠者皆呼曰緬言其來從異域耳有採藥者曰此紅優曇也花紅瓣多居人畏攀折故匿其名省城亦止此一樹按滇志督署有紅優曇一株形諸紀詠然第苞紅耳花固白色市中折以售不爲異也此花旣未早知名瓜期已屆忽忽不復索觀略記數語以示東土好事者不免爲優曇添一重疑案

龍女花

六

木類卷之三十一



龍女花

雲南志龍女花太和縣感通寺一株樹高數丈花類白茶相傳  
爲龍女所種余訪得繪本其花正白八出黃蕊中有綠心一縷  
俗謂綠如意花謝時收弄可以催生云又徐霞客遊記感通寺  
龍女花樹從根分挺三四大株各高三四丈葉長二寸半闊半  
之綠潤有光花白大於玉蘭亦木蓮之類而異其名



植物名實圖考

山梅花

七

木類卷之三十二




山梅花

山梅花生昆明山中樹高丈餘葉如梅而長橫紋排生微似麻  
葉夏開四圍瓣白花極肖梨花而香昔人謂梨花溶溶無香爲  
憾此花兼之矣

蝴蝶戲珠花

八

木類卷之三十一



蝴蝶戲珠花

蝴蝶戲珠卽繡毬之別種桂馥札璞繡毬花周圍先開其瓣五  
出酷似小白蝶俗呼蝴蝶花中心別有數十蕊小如粟米按此  
花五瓣三大兩小形微似蝶中心綠蓓蕾圓如碧珠開不成瓣  
白英點點非蕊也



雪柳

昆明縣採訪會城隍廟雪柳已數百年物 按樹已半枯葉  
如冬青大小疏密無定春深開花一枝數朵長筒長瓣似素與  
而色白雪柳之名或以此插枝就接皆不生

大毛毛花

十

木類卷之三十一



大毛毛花

大毛毛花卽夜合樹有二種一種葉大花如馬纓初開色白漸黃一種葉小花如毬色淡綠有微香近甜滇俗四月八日婦女無不插簪盈髻以花似佛髻云陳鼎滇黔紀遊夜合樹高廣數十畝枝幹扶疏曲折開花如小山覆錦被絕非江浙馬纓之比宜其攀折不盡足供茶雲壓鬟顛釵矣





皮袋香

皮袋香一名山枝子生雲南山中樹高數尺葉長半寸許本小末多深綠厚硬春發紫苞苞圻菁莢潔白如玉微似玉蘭而小開花五出細膩有光黃蕊茸茸中吐綠鬚一縷質旣縞潔香尤清秘薝蔔對此色香俱粗山人擔以入市以爲瓶供俗以花苞久含故有皮袋之目檀萃滇海虞志含笑花俗名羊皮袋花如山梔子開時滿樹香滿一院卽此但含笑以花不甚開放故名此花瓣少全圻非大小含笑也



珍珠花

珍珠花一名米飯花生雲南山坡叢生高三二尺長葉攢莖勁垂無偏反之態春初梢端白簫子花本大末收一一下懸儼如貫珠又似糯米一條百數映日生光土人折賣擔頭干琲可稱富潔此樹大致如南燭而花極繁葉少光潤土人云未見結實未審一種否

滇桂

十三

木類卷之三十五



滇桂

滇桂生雲南人家樹高近丈赭幹綠枝春生葉如初發小橢葉  
葉間對茁長柄膏莢圓如菉豆開四團瓣白綠花瓣厚多絢  
中央綠蒂大如小錢有蕊五點外瓣附之如排棋子狀頗似詭

野李花

西

木類卷之三十一



野李花

野李花一名山末利生雲南山中樹高五六尺赭幹如桃枝葉  
本小末圓有尖柔厚不澤深紋微齒淡綠色春開五瓣小白花  
如李花而更小蕊繁如毬清香淡遠故有末利之目



昆明山海棠

木頭卷之三十二



昆明山海棠

山海棠生昆明山中樹高丈餘大葉如紫荊而粗紋夏開五瓣  
小白花綠心黃蕊密簇成攢旋結實如風車形與山藥子相類  
色嫩紅可愛山人折以售爲瓶供按形頗似湘中水莽疑非嘉  
卉

野櫻桃



野櫻桃

野櫻桃生雲南樹紋如桃葉類朱櫻春開長柄粉紅花似垂絲  
海棠瓣微長多少無定內淡外深附幹攢開朵朵下垂田塍籬  
落絳霞弥望園丁種以接櫻桃滇志云紅花者謂之苦櫻或云  
此卽山海棠阮相國所謂富民縣多有者俗以接櫻桃樹故名  
其苦櫻以小雪節開諺云櫻桃花開治年酒蓋滇櫻以春初熟  
也

山桂花

上

木類卷之三十一



## 山桂花

山桂花生雲南山坡樹高丈餘新柯似桃膩葉如橘春作小苞  
迸開五出長柄曩絲繁蕊聚縷色侔金粟香越木犀每當散萼  
幽崖擔花春市翠綠摩肩鵝黃壓髻通衢溢馥比戶收香甚至  
碎葉斷條亦且椒芬蘭臭固非留馨於一山或亦分宗於八桂  
但以錦囊缺詠藥裹失收聽攀折於他人任點污於廁溷姑爲  
膽瓶之玩聊代心字之香

馬銀花

六

木類卷之三十一



馬銀花

馬銀花生雲南山坡枝幹虬拏樹高丈許枝端生葉頗似瑞香  
柔厚光潤背有黃毛花苞作毬擊於葉際宛如泡桐一苞開花  
十餘朵圓甯四瓣或五瓣長幾盈寸似單瓣茶花微小白鬚褐  
點有朱紅粉紅深紫黃白各種紅者葉瘦餘者葉闊春颺煦景  
與杜鵑同時盛開茶火綺繡彌罩林崖有色無香炫晃目睫其  
殷紅者灼灼有燄或誤以爲木棉鄉人採其花煤熟食之檀萃  
滇海虞衡志馬纓花冬春徧山山氓折而入市深紅不下山茶  
製其根以爲羹匙堅緻又有白馬纓亦可玩似未全覩



野香櫟花

十九

木類卷之三十八



野香櫟花

野香櫟花一名小毛毛花生雲南五華山麓樹高近尋長葉如  
夾竹桃葉綠潤柔膩映日有光春開四尖瓣白花間以綠蒂徑  
不逾半寸長蕊茸茸密似馬纓上綴褐點花瘦蕊繁隨風紛靡  
頗有姿度亦具清香惟玉縷冰絲離枝易瘁不堪摧折難供嗅  
玩耳

象牙樹

一

木類卷之三十八



象牙樹

象牙樹生元江州樹高丈餘竟體黝白微似紫薇細枝疎上葉似烏臼樹葉而薄木色似象牙而質重新平志出魯魁山可代象牙作筯云



山海棠

山海棠生雲南山中園圃亦植之樹如山桃葉似櫻桃而長冬初開五瓣桃紅花瓣長而圓中有一缺繁蕊中突出綠心一縷與海棠櫻桃諸花皆不相類春結紅實長圓大如小指極酸不可食阮儀徵相國有咏山海棠詩序謂花似海棠蒂亦垂絲者則土人謂爲山櫻桃以其樹可接櫻桃故名若以花名則此當曰山櫻彼當曰山棠也



山海棠 又一種

山海棠生雲南山中樹莖葉俱似海棠春開尖瓣白花似桃花而白膩有光瓣或五或六長柄綠蒂裊裊下垂繁雪壓枝清香溢谷花開足則上翹金粟團簇玉線一絲第其姿格則海棠饒粉梨雲無香未可儕也幽谷自賞筠簋折贈偶獲於賣菜之僮遂以登列瓶之史






金絲杜仲

金絲杜仲一名石小豆生雲南山中小木葉長末圓夏抽細柄  
開花旋結實殼色粉紅老則四裂宛似海棠花內含紅子大如  
小豆朱皮黑質的皔不隕

栗寄生

三

木類卷之三十一



栗寄生

栗寄生雲南栗樹上有之長條下垂扁莖密節一平一側參差互生極類雕刻每節左右嵌以圓珠與諸木寄生不同而狀頗奇巧

植物名實圖考

炭栗樹

三

木類卷之三十六



炭栗樹

炭栗樹生雲南荒山高七八尺葉似橘葉而闊短柔滑嫩潤春開四長瓣白花細如剪紙類紙末花而稀疏秋時黃葉彌谷伐薪爲炭輕而耐火山農利之

水東瓜木

二五

木類卷之三十一



水東瓜木

水東瓜木湘中滇黔皆有之綠樹如桐葉似芙蓉數莖同生一處易長而質軟順寧府志以爲卽檜木可以刻字



野春桂

三七

木類卷之三十一



野春桂

野春桂花猥羅持售於市見其折枝紅幹獨勁綠葉未生擎來  
圓紫苞迸出金粟滇俗佞佛供養無虛但有新萼俱作天花也

衣白皮

三

木類卷之三十一



衣白皮

衣白皮生昆明矮木葉如桃葉小而勁花亦如桃五瓣外赤內白簇簇枝頭其大者材中弓幹

植物名實圖考

棉栢

三

木類卷之三十八



棉柘

棉柘見救荒本草爲柘之一種滇南有之葉如桑而厚實如椹而圓織機無事嘉樹空生自缺婦功何關地利哉



樹頭菜

三

木類卷之三十一



樹頭菜

樹頭菜滇志石屏者佳樹色灰赭一枝三葉微似楷木葉初生如紅椿芽而瘦味苦臨安人鹽漬之以爲齏與黃連茶

卽楷樹芽皆

取木葉作蔬咀其回味如食諒果也





昆明烏木

烏木舊傳出海南雲南葉似欖櫚僞者多是槩木染成滇海虞衡志謂恐是欖木今昆明土人所謂烏木葉似槐而厚勁大如指頂極光潤嫩條色紫與舊說異其卽槩木或欖木歟

簕蒺藜

木類卷之三十一



簌赭子

簌赭子生雲南山中矮叢密葉無異黃楊附莖紫實不光不圓  
攢簇無隙有如篩簌

馬藤

三五

木類卷之三十一



馬藤

馬藤生雲南山中木本大葉面綠背紫紅脈交絡直是秋海棠  
葉非特似之

金剛刺

三十四

木類卷之三十一



金剛刺

金剛刺生雲南山中木皮綠紫巨刺對生犄銳如杷槎枒可怖  
疎葉垂垂似麻葉而尖長蓋樊圃之良材也



千張紙

三

木類卷之三十一



千張紙

千張紙生廣西雲南景東廣南皆有之大樹對葉如枇杷葉亦有毛面綠背微紫結角長二尺許挺直有脊如劍色紫黑老則迸裂子薄如榆莢而大色白形如豬腰層疊甚厚與風飄蕩無慮萬千雲南志云形如扁豆其中片片如蟬翼焚爲灰可治心氣痛滇本草此木實似扁豆而大中實如積紙薄似蟬翼片片滿中故有兜鈴千張紙之名入肺經定喘消痰入脾胃經破蠱積通行十二經氣血除血蠱氣蠱之毒又能補虛寬中進食夷人呼爲三百兩銀藥者蓋其治蠱得效也按此木實與蔓生之

土青木香同有馬兜鈴之名醫家以三百兩銀藥屬之土青木香下皆緣未見此品而誤併也

雪柳

三七

木類卷之三十一



雪柳

雪柳生雲南山阜小木紫幹全似水柳而葉小柔靱黃花作穗  
老則爲絮絮樹浮波吹風落毳滇南有柳少花得此矮柯但見  
慘徑鋪瓊不能漫天作雪矣

直勿乙野圖考

滇厚朴

三

木類卷之三六



滇厚朴

滇厚朴生雲南山中大樹粗葉結實如豆蓋卽川厚朴樹而特以地道異滇醫皆用之





山梔子

滇山梔子生雲南山中小木硬葉結綠實成串形似小桃大如

豆三棱

老虎刺寄生

翠

木類卷之三十一



木牛名  
老虎刺寄生

老虎刺生雲南山中樹高丈許細葉如夜合而光潤密勁開花  
作白綠絨毬通體針刺土醫以治瘡毒寄生葉長圓背紅與他  
寄生微異亦治腫毒

柏寄生

四

木類卷之三



柏寄生

柏寄生生滇南柏樹上葉小而厚主舒筋骨蓋寄生雖別一種必因其所寄之木而奪其性滇多寄生皆連其本木折取本木瘁則寄生亦瘁足知其性體聯屬如人有癭瘤類毫非由外致倘不知木之性而用之其誤多矣

厚皮香

星


木類卷之三十一



厚皮香

厚皮香生雲南山中小樹滑葉如山梔子開五瓣白花團團微缺攢聚枝間略有香氣紅萼似梅厚瓣如蠟開於三伏滇南夏月肆中有賣蠟梅花者卽此然滇之狗牙蠟梅已於此時含苞如蠟珠矣

鐵樹果





鐵樹果

鐵樹滇南十二歲一實樹端叢葉長七八寸形如長柄勺四旁細縷正如俗畫鳳尾色黃果生柄傍扁圓中凹有核滇人呼爲鳳皇蛋蓋本草綱目所謂波斯棗然嚼之無味滇圃但以罕實爲異不入果品也

滇山茶葉

四十四

木類卷之三十一



滇山茶葉

滇山茶葉葉勁滑類茶味辛開黃白花作穗滇山人以其葉爲  
飲

滇大葉柳

目五

木類卷之三六



滇大葉柳

滇大葉柳枝葉卽柳惟從幹傍發條開白花穗長寸許亦作絮




鴉蛋子

鴉蛋子生雲南小樹圓葉結實三粒相併中有一棱土醫云能治痔

金絲杜仲

木類

卷之三





金絲杜仲

金絲杜仲一名石小豆生雲南矮木厚葉葉長寸許本瘦末圓面青背黃結實如棠梨而小實裂各銜紅豆不脫

紅木

四

木類卷之三六



紅木

紅木雲南有之質堅色紅開白花玉瓣微赭

蠟樹



蠟樹

蠟樹貴州貴定縣種之爲林放蠟取利髡其枝葉叢條萌芽屢  
翦益茂道傍伍列儼如官柳葉稍團秋結細角似椿莢而薄小  
懸於葉際癸辛雜識載放蠟法用盆桎樹葉似茱萸葉或卽此



木部  
三  
桐樹

桐樹滇黔有之湖南辰沅山中尤多木性堅重造船者取以爲  
枕葉如檀秋時梢端結實如紅姑孃而長三棱中凹有緋色殷  
紅內含子數粒如橘核絳霞燭天丹纈照岫先於霜葉可增秋  
譜惟字書無桐字





紫羅花

紫羅花生雲南子如枸杞土醫云產婦煎浴卻筋骨痛一名蛇  
藤

狗  
椒

三

木類卷之三十六



狗椒

狗椒生雲南莖葉俱有細刺高二三尺結實如椒味亦辛烈殆  
羣椒之類

馬椒




馬椒

馬椒生雲南如狗椒而長條對葉如初生槐葉結實作棕

大黃連

五十四

木類卷之三十一



大黃連

大黃連生雲南大樹枝多長刺刺必三以爲族小葉如指甲亦攢生結青白實木心黃如黃柏味苦土人云可以代黃連故名

寄母

三

木類卷之三十一





寄母

寄母寄生各樹上長葉秋結紅實如珠鳥食其實遺於樹上即生



刺綠皮

五十二

木類卷之三十一



刺綠皮

刺綠皮生雲南樹高丈餘長條短枝枝梢作刺細葉蒙密結小  
青黑實簇簇滿枝樹皮綠厚土人以染綠